

in terra sunt importantiæ, curare, vtpote qui singuli singulis adesse, imo vero & quamlibet creaturam siue animale, siue vegetabile, siue minerale curare solent. De principatu agit D. Paulus variis in locis, & de Archangelis & Angelis vbi que in pagina sacrata sit mentio.

Ex quibus liquido constat, quod harum hierarchiarum quælibet ad specialem in Sacrosancta Trinitate personam relationem habeat, suprema scilicet ad essentiam diuinam, media ad emanationem, seu Filium, vtpote cælorum monarchiam & Oeconomiam respiciens, & infima ad res sublunares habet respectum, quippe quæ formis & virtutibus inferiorum adest, iisque administrare videtur.

Ad hunc igitur sensum videtur psalmista regius in paucissimis loqui dicens; *Verbo Domini firmati sunt cæli, & spiritu ab ore eius omnes virtutes eorum*; Vbi Dominus seu Pater, Verbo seu Filio cælos creauit, & Spiritu ab utroque quamlibet virtutem & influentiam, &c.

Iuxta antiquorum vero Hebræorum diuisionem videmus eosdem tam numero quam effectu, licet numero variantes, angelorum ordines, secundum seriem etiam portarum lucidarum seu sephirotarum, aut numerationum Cabalistarum, per quas influxus variis diuinarum proprietatum descendunt ad inferiora: Nam vt alibi à nobis est declaratum, quod influxus *Cheter* quibus præsidet nomen DEI *Ehieh* per ordinem *Seraphim* iuxta Dionysii doctrinam descendant, ita quidem secundum veterum Doctorum Hebræorum sensum per ordinem angelorum *Haioth Kadosch*, Deus *Ebieh* ellendi munus largire, per *Ophanim Elohim* Chaos distinguere, per *Aralim Iehoua* formas materiæ vniuersæ præbere traditur, atque sic in cæteris, quemadmodum in sequentibus clarius. Horum etiam ordinum nomina angelicorum Hebræorum Doctores alii fere eadem, mutato nihilominus ordine, imposuerunt, videlicet *Cachmalim, Cherubin, Tarfissim, Arelim, Seraphim, Malachim, Ophanim, Issim, Elohim*, quibus etiam & *Ben Elohim* addere gestiunt, qui Dæmones tam bonos quam malos (de quibus infra) intendunt. Atque hæc omnia nomina ex sacro etiam sacræ paginæ fonte sunt ipsi expiscati. Nam de *Chasmalim* loquitur Ezechiel. *Cherubin* meminerunt Genesis, Exod. Psal. & alia, *Tarfissim* etiam nominat Ezekiel, licet communis interpretatio proferat angelos pro eo seu nuncios, Etiam Ezekiel habet nomen *Ophanim*: vt & *Issim* à Salomone exprimitur, *Elohim* ex primo Regum habuerunt, vbi Pithonissa dixit Saul: Vidi *Elohim* ascendentes è terra, i. e. Deos, iuxta vulgarem editionem, De *Bene Elohim* bonis Iob, malis autem Moyses atque etiam Iob alio in loco mentionem fecerunt.

Notatu autem haud est impertinens, quod quamuis nouem solummodo notantur à sapientibus seu Theologis secretioribus angelorum ordines, tamen innumerabilis est singularium seu indiuiduorum cuiuslibet illarum specierum multitudo, quam ipsorum exercitus nominauerunt, quemlibet ergo horum ordinum, in primis iuxta Zodiaci cælestis partitionem, in partes duodecim diuiserunt, quarum primum in diuisione membrum *Mizaloth* dixerunt, deinde horum duodecim membrorum quodlibet in portines triginta sunt partiti, quas *Cohortes* dixerunt, atque hanc subdiuisionem dixerunt *El* quod consequenter sub se continet cohortes triginta, pro quolibet illorum duodecim, quæ faciunt in vniuersum trecentas sexaginta Angelorum cohortes.

Tum postea aliam assignant subdiuisionem quæ multiplicat illam 360. per 30. & numerum 10800. producit, atque hoc membrum subdiuisum Legionem vocant, & numerum hunc iterum in 30. ducunt, atque *Ribatim* vt dicunt proferunt, constans ex 324000. Porro iterum hunc numerum per 30. multiplicat & resultat numerus quem dicunt *Chitton*, qui conflatur ex 9720000. Denique istum productum iterum in 30. ducunt eritque resultans numerus 291600000. Vnde horum omnium summa est vnum millium, millia sexcenta, & quinquaginta quinque millia centum, & septuaginta duo, iuxta Cabalistarum doctrinam, qui hos omnes angelos fecerunt spiritus administratorios, de quibus in sequentibus clarius. Platonici autem volunt quod dæmonum inferiorum tot sint numero legiones, quot in cælo sunt stellæ, dicuntq; totidem esse in qualibet legione dæmones, quot in cælo stellæ. Et nonnulli Cabalistarum strenue defendunt, quod angeli non solummodo conueniant cum hominibus in multis rebus naturalibus, sed etiam numero, asseuerantes tot esse homines debere saluandos, quot angeli rebelles à cælo ceciderint in conflictu & pugna inter Michaelem & Luciferum, atque tot iterum fore damnandos quot angeli ex parte Michaelis victoriam in angelos caducos obtinuerunt.

Sed vtcunque Cabalistarum & Platoniorum de angelorum numero opinio sit, colligimus etiam ex sacris literis quod multæ sint spirituum angelicorum myriades, idque pluribus in locis, *DEI curruum* (inquit David) *duæ sunt myriades, multa millia angelorum Dominus cum illis est, dominus Sinai, in Sanctuario habitans, Psal. 68. v. 10.* Porro & Christus de multis legionibus tam patris sui quam Satanæ loquitur: Et Augustinus & Gregorius volunt quod angelorum bonorum numerus omnem humanum captum transcendat: quibus contra respondent in numeri spiritus immundi, tot existentes in mundo inferiori quot mundi spiritus sunt in mundo superiori. Hoc etiam falsi sunt quidam Theologi e ab oraculis accepisse. Et in Porta lucis habetur, quod à terra ad firmamentum vsque non sit locus

cus